

Date – 19/01/2025

Time - 7:30 -7:40Hrs

REGIONAL NEWS BULLETIN

HEADLINES (MORNING)

1. Prime Minister Narendra Modi-a'n nimina Samitva Scheme hnuiaia property card sem chhuah zingah Mizorama khaw 18 atanga property card 1754 a tel.
2. Mizoram tharchhuah thlai leh thei thenkhat, Reliance Fresh/Smart Outlet a hralh tura inremna thuthlung chu Mizoram State Rural Livelihoods Mission leh Reliance Retail Limited ten Mumbai-ah an ziak.
3. Reiek tlang khualzin chevel chungchanga Tourism Minister Pi Lalrinpuii hoa thukhawm chuan Tlanga motor kal tlang an phalloh nachhan chu lirthei a inhnawh tawt thin avang leh tlanga awm thin pangpar a bo thin vang a nih thu an sawi.
4. Prime Minister Narendra Modi chuan vawiin chawhma dar 11 hian 'Mann Ki Baat' programme-ah ram chung leh ram pawn mipuite hnenah thu a sawi leh dawn a, Tun tum ami hi a tum 118-na tur a ni ang.

<><><>

SVAMITVA SCHEME - MIZORAM

Prime Minister Narendra Modi-a'n nimina Samitva Scheme hnuiaia property card sem chhuah zingah Mizorama khaw 18 atanga property card 1754 a tel.

Larsap Gen Rtd (Dr) Vijay Kuma Singh chuan Raj Bhavan atangin biakhmuh theihna kalflangin Smamitva Scheme hnuiaia property card sem chhuahna hun hi a tel pui a, Larsap chuan Mizoram chu hmarchhak state zinga Property Card sem chhuak hmasa ber a ni chu chhuanawm a tih thu sawiin, Land Revenue & Settlement hotute chu SVAMITVA scheme hnuiaia hmalaknate a hlawhtlin theih nana tan la chhunzawm zel turin a chah a. Mizoram atanga hamthatna dawngte a lawmpui thu sawiin duhsakna a hlan a ni.

SVAMITVA scheme hi kum 2020 April ni 24 khan Prime Minister-in a hawng a, in hmun neitute tana revenue document felfai tak, drone survey leh GIS technology hmanga chhinchhiah thlapna a ni a. Bank loan lak nana dahkham bakah pawimawh danghte pawh a hman theih a ni.

Hemi kalpui tur hian Mizoram Sawrkar leh Survey of India te chuan thawhhona thuthlung kum 2021 July ni 8 khan an ziak a. Revenue survey la tihlohna khuahte kum 2021 December ni 9 atang khan drone survey tan niin,

nikum December ni 2 khan zawhfel a ni a, District 9 a khua 319-ah te drone survey hi neih a ni.

(Mizoram chu North Eastern Region zinga Property Card sem chhuak hmasa ber niin, kum 2023 April ni 24 khan property card sem chhuah tan a ni a, nimina sem chhuah nen hian tun dinhmunah Mizoramah Property Card 2,909 sem chhuah tawh a ni a. Ruahman dan chuan hemi hmalakna kaltlang hian Mizoramah Property Card 35,000 bawr vel pek chhuah tum a ni.)

<><><>

MzSRLM & RELIANCE MoU

Chief Minister Pu Lalduhoma'n Mizorama thlai leh thei tharchhuah te Reliance Retail Outlet-a zawrhchhuah turin inremna ziah a ni a ti.

He thu hi tun hnai khan a social media account Twitter kaltlanga a tarlan niin Chief Minister chuan Mizoram sawrkara Rural Development Department hnuai Mizoram State Rural Livelihood Mission leh Reliance Retail Ltd. ten Mizoram atanga thlai leh thei tharchhuah panga - Sapthei, Lakhuihthei, Dragon Fruit, Sawhthing leh hmarcha te chu Reliance Retail Outlet-a zawrhchhuah turin inremna ziah a ni a ti a, hei hian Mizorama kuthnathawktute tan an thlai leh thei hralhchhuah kawngah nasa takin a pui dawn tih sawiin sum an lak luh theih nan leh eizawna tha tak an neih theih nan a pui dawn tih a sawi.

Mizoram thlai leh thei thar tharchhuah te hi Mumbai-a Reliance Retail Outlet ah zawrh a ni dawn a, inremna ziahna-ah hian Rural Development Minister Prof Lalnilawma, Adviser to CM Dr KC Lalmalsawmzauva, OSD to CM Pu Jonathan Lalremruata te an tel a, thudawn danin Reliance hian Aizawla Outlet siam turin an hma an la dawn a ni.

<><><>

REIEK

Reiek tlang khualzin chevel chungchanga Tourism Minister Pi Lalrinpuii hoa thukhawm chuan Tlanga motor kal tlang an phal loh nachhan chu lirthei a inhnawh tawt thin avang leh tlanga awm thin pangpar a bo thin vang a nih thu an sawi.

Minister kaihhruaia Reiek Tourism Board leh Tourism Department hotute thukhawm chuan Reiek tlang tlawhtu a tam thei ang ber awm zel se an duh tih sawiin tlang tlawh duhtute tana harsatna siam thei leh tlawhtu hnar thei ang zawnga mipui hnena tlangzarh hmasa lova motor kal tur dan ani chu tha lo an tih thu an sawi a, Reiek tlang bik tan Destination Management Committee din tura hmalak mek a nih thu sawiin, he Committee hi a function hma chuan Tourism Board te chuan fimkhur takin tlang tlawh tu te lo enkawl turin an chah a ni.

Thutkhawmnaa tarlan danin lirthie hman man an bithliah tharah Pik-up Truck-Rs 600, Gypsy-Rs 400/-, LMV- Rs 300/-leh two wheeler Rs 100/-te an ni a, tlanga mimal lirthei tlan tlang chu kawng a tet a vanga motor inhnawh tawt thin avang leh Tlanga pangpar awm a bo thin avangin mahni lirtheia kal phal a ni lo tih an sawi bawk.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Vawiin chawhnu dar 2 leh a chanve-ah Chanchinthar hi puan leh a ni ang.



AIR QUALITY INDEX

Boruak thianghlim leh thianghlim loh teh funga hman ber Air Quality Index AQI-ah Mizoram chu a him chinah a awm.

Mizoram Pollution Control Board-a Scientist 'C' Dr. Lalramnghaki Pachuau sawi danin Mizoram chu India rama chanchinbu lian ten boruak thianghlim berna a nih thu an sawi a ti a, tun dinhmunah boruak thianghlim tak ni mah se a danglam ve reng a ti a, ramchhung hmun dang nena tehkhin chuan ala thianghlim hle tih a sawi.

Dr. Lalramnghaki Pachuau chuan Mizoramah industry lian a awm loh avangin boruak chhia a tam loh phah a ti a, Aizawl khawpuia boruak ti bawlhhlawh tu ber nia lang chu motor khu a ni tih sawiin sorkar laipui thupek anga lirthei ten pollution test an paltlang thin chuan boruak bawlhhlawh lutuk tur a veng tih a sawi bawk.

Mizoram Pollution Control Board hotute sawi danin lirthei pollution test-na tur hmun pan thei lo tan mobile testing van sorkarin a lei tawh a ti a, Aizawl atan 4 leh Lunglei tan 1 hman mek niin Local Council, zirna in emaw pawl in telkhawm ang ten hmun khatah a hlawma test duh tan MPCB ah dilna thehluh theih reng a nih thu an sawi bawk.

<><><>

AR

Assam Rifles te chuan tun thla ni 26 a lo thleng tur India Republic Day denchenin, nimin khan Aizawla Assam Rifles Middle School-ah Essay Writing Competition an buatsaih.

Essay inziahsiaik in a tum chu, zirlaite hnena hnam hmangaihna leh khua leh tuite mawhphruhna tuh a ni a, he hunah hian zirlai te chuan ram an hmangaihna leh an rilru sukthlek te, India ramin zalenna a hmuh theih nana bei tute sulhnu leh pawimawhna te an hre thar a, an thu ziaik atangin ram leh hnam inpumkhatna leh dikna an ngaipawimawh tih a hriat theih a ni.

<><><>

CESJ

Centre for environment & Social Justice (CESJ) chuan tun thla January ni 10 a District Hospital, Siaha-a damdawi thiam inthlahdahna (medical negligence) nia ngaih theiha Daniel Lalruatfela, kum 24 thihna chungchangah Principal Director, Health & Family Welfare in he thil hi chhui chiang tura January ni 16 a thupek a chhuah chu lawmawm an tih thu nimin khan thuchhuah siamin an sawi.

CESJ chuan Mizoram chu kum sawm 38 state a nih hnuah health system a la chhiat hle thu an sawi a, Healthcare inziah luhnaah a to em em bawk a, mirethei tan damdawia inenkawlina kawngah dam khawchhuahna a chaurau hle à ni tiin, mipuiin sorkarah chhiah tam tak an chhun khawm laiin damdawia enkawlina dawn let erawh a beitham hle tih an sawi a, damdawia inenkawlina tha dawng let tura chhiah pek a nih vangin Indian Public Health Standards Norms zawm a, rang taka tipuitling turin sawrkar an phut tih an tarlang.

<><><>

PM MANN KI BAAT

Prime Minister Narendra Modi chuan vawiin chawhma dar 11 hian 'Mann Ki Baat' programme-ah ram chung leh ram pawn mipuite hnenah thu a sawi leh dawn a, Tun tum ami hi a tum 118-na tur a ni ang.

He programme hi Akashvani leh Doordarshan network pumpui, AIR News website leh Newsonair mobile app-ah te tihchhuah a ni ang a, AIR News, DD News, PMO, leh Information and Broadcasting Ministry-a YouTube channel-ah live-stream a ni bawk ang.

<><><>